

ქ. თბილისი

“28 “მარტი” 2016 წ.

ერთის მხრივ, შპს „ჯორჯიან ტრანზიტი“- (ს/კ 402020022) შემდგომში წოდებული როგორც “შემსყიდველი”, წარმოდგენილი დირექტორის დავით ჩირაძის სახით, და მეორეს მხრივ სს „სადაზღვევო კომპანია ქართუ“ (ს/კ 204970031) შემდგომში წოდებული როგორც “მიმწოდებელი”, წარმოდგენილი გენერალური დირექტორის არჩილ მამაცაშვილის სახით, ორივე ერთად წოდებული, როგორც “მხარეები”, ვმოქმედებთ, რა საქართველოს კანონმდებლობის, “სახელმწიფო შესყიდვების შესახებ” საქართველოს კანონის შესაბამისად, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ - (შემდგომში - “ხელშეკრულება”) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნულები.
- 1.2 ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 დღე, კვირა, თვე - კალენდარული დღე, კვირა, თვე.
- 1.4 მომსახურება - ხელშეკრულების მე-2 მუხლით გათვალისწინებული ხელშეკრულების საგანი.
- 1.5 მიმწოდებელი (მზღვეველი) სს „სადაზღვევო კომპანია ქართუ“ რომელიც საქართველოს კანონმდებლობის შესაბამისად ეწევა სადაზღვევო საქმიანობას, ახორციელებს წინამდებარე ხელშეკრულების საფუძველზე სადაზღვევო მომსახურებას და გადასცემს შემსყიდველს (დამზღვევეს) ავტომობილის სადაზღვევო პოლისს;
- 1.6 შემსყიდველი (დამზღვევე) - პირი, რომელიც ამ ხელშეკრულების პირობებით და საქართველოს კანონმდებლობის მიხედვით, წინამდებარე ხელშეკრულებით/ სადაზღვევო პოლისით განსაზღვრულ ავტომობილს აზღვევს მიმწოდებელთან (მზღვეველთან) და იხდის შესაბამის სადაზღვევო პრემიას;
- 1.7 მოსარგებლე - პირი, რომელიც ამ ხელშეკრულების პირობების თანახმად იღებს სადაზღვევო ანაზღაურებას;
- 1.8 სადაზღვევო პოლისი - წინამდებარე ხელშეკრულების საფუძველზე გაცემული დაზღვევის დამადასტურებელი დოკუმენტი, რომელსაც თან ერთვის დაზღვევის პირობები (დანართი N 4) და წარმოადგენს მის განუყოფელ ნაწილს;

- 1.9 სადაზღვევო თანხა - სადაზღვევო ანაზღაურების მაქსიმალური სიდიდე, მზღვეველის პასუხისმგებლობის მაქსიმალური ლიმიტი. სადაზღვევო თანხა არ უნდა აღემატებოდეს ავტომობილის საბაზრო ღირებულებას. ამასთან, სადაზღვევო თანხა წარმოადგენს მხარეთა შორის შეთანხმების საგანს და აღინიშნება წინამდებარე ხელშეკრულება/კონკრეტულ პოლისში; სადაზღვევო თანხა მცირდება გადახდილი სადაზღვევო ანაზღაურების ხარჯზე.
- 1.10 სადაზღვევო ღირებულება - დანართი N1-ით (რომელიც წარმოადგენს ხელშეკრულების განუყოფელ ნაწილს) განსაზღვრული ავტომობილების ღირებულება;
- 1.11 სადაზღვევო ანაზღაურება - თანხა ან ქონება, რომელიც მიმწოდებლისაგან (მზღვეველისგან) ეკუთვნის დამზღვევს (დაზღვეულს) წინამდებარე ხელშეკრულების პირობების საფუძველზე;
- 1.12 განადგურება - ავტომობილის განადგურებად ითვლება ზიანი, რომლის დროსაც აღდგენითი შეკეთების ღირებულება, მისი საბაზრო ღირებულების 70%-ს ან მეტს შეადგენს;
- 1.13 სადაზღვევო პრემია - თანხა, რომელიც უნდა გადაუხადოს შემსყიდველმა (დამზღვევმა) მიმწოდებელს (მზღვეველს) ავტომობილის დაზღვევის საფასურად - დაზღვევის ღირებულება. პრემია ანგარიშდება დაზღვევის კონკრეტული ობიექტის, რისკებისა და სხვა შესაბამისი ფაქტორების გათვალისწინებით. პრემიის ოდენობა განისაზღვრება წინამდებარე ხელშეკრულებით/ავტომობილის დაზღვევის შესაბამისი პოლისით;
- 1.14 შემთხვევა - წინამდებარე ხელშეკრულების პირობებით გათვალისწინებული რისკებით გამოწვეული გარემოება;
- 1.15 სადაზღვევო შემთხვევა - სადაზღვევო პერიოდის განმავლობაში დამდაგარი შემთხვევა, რომლის დადგომისას წინამდებარე ხელშეკრულების პირობები ითვალისწინებს სადაზღვევო ანაზღაურების გადახდას და რომელიც დასტურდება მიმწოდებლის (მზღვეველის) მიერ შედგენილი სადაზღვევო შემთხვევის აქტით;
- 1.16 სადაზღვევო რისკი - მოვლენა, რომელიც შეიცავს მისი დადგომის შესაძლებლობის და შემთხვევითობის ნიშნებს და რომლის გამოც ხდება დაზღვევა. სადაზღვევო რისკები განისაზღვრება წინამდებარე ხელშეკრულებით /შესაბამისი სადაზღვევო პოლისით;
- 1.17 ქურდობა, მარცვა, ყაჩაღობა - საქართველოს სისხლის სამართლის კოდექსის 177-179-ე მუხლებით განსაზღვრული ქმედებები;
- 1.18 უბედური შემთხვევა - შემთხვევა, როდესაც ზიანი მიადგა დაზღვეულ ავტომობილში მყოფი მძღოლის და მგზავრების სიცოცხლეს ან ჯანმრთელობას ავტომობილის მართვისას;
- 1.19 უფლებამოსილი მძღოლი - დამზღვევის ნებისმიერი თანამშრომელი, რომელსაც გააჩნია ავტომანქანის მართვის მოწმობა და რომელიც აუცილებლად უნდა იყოს არანაკლებ 21 და არაუმეტეს 65 წლის;
- 1.20 მესამე მხარე - ნებისმიერი პირი (ფიზიკური ან იურიდიული), რომლის ჯანმრთელობა ან ქონება დაზიანდა უშუალოდ დაზღვეული ავტომობილის მიერ მისი ექსპლუატაციის შედეგად, გარდა დაზღვეული ავტომობილის მგზავრებისა და მძღოლისა;
- 1.21 მესამე პირის წინაშე დამზღვევის პასუხისმგებლობა - დამზღვევის პასუხისმგებლობა მესამე პირის წინაშე ამ უკანასკნელის სიცოცხლის, ჯანმრთელობისა და/ან ქონებისათვის დაზღვეული ავტომობილით მიყენებული

ზიანისათვის (ეს პირობა არ ვრცელდება პირებზე, რომლებიც ზიანის დადგომის მომენტისათვის იმყოფებოდნენ დაზღვეულ ავტომობილში, მათთვის ნიყენებული ზიანი განიხილება, როგორც უბედური შემთხვევა);

- 1.22 საბაზრო ღირებულება - ავტომობილის საბაზრო ღირებულება დაზღვევის მომენტისათვის, ანუ თანხა, რომლითაც საქართველოს ბაზარზე დაზღვეული ავტომობილის იდენტური პარანეტრების, სპეციფიკაციის და მონაცემების მქონე ავტომობილის შეძენა შესაძლებელია;
- 1.23 აქსესუარი - ავტომობილის ნაწილი/დეტალი, რომელიც პირდაპირ არ უკავშირდება ავტომობილის გამართულ მუშაობას, მხოლოდ ქარხნული კომპლექტაციის მიხედვით.
- 1.24 ცალკეული დეტალები - კანტები, მოლდინგები და პლასტმასის სხვა დეტალები, საბურავები, დისკები და მისი საფარები, შუშის საწნენდები, ემბლემები, ანტენები, სხვა სახის დეკორატიული დეტალები;
- 1.25 ცალკეული დაზიანება - ავტომობილის დეტალის/ნაწილის შემთხვევითი გარეგანი დაზიანება, რაც არ არის გამოწვეული ავტოსაგზაო შემთხვევით;
- 1.26 ტექნიკური დოკუმენტაცია - მიმწოდებლის მიერ SPA160008452 გამარტივებულ ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. წინამდებარე ხელშეკრულების დანართი N1-ით განსაზღვრული შპს „ჯორჯიან ტრანზიტი“-ს კუთვნილი (ორი ერთეული ავტომობილი) ძრავიანი ავტომობილების სრული დაზღვევა, შემდეგი სადაზღვევო რისკებისაგან (CPV კოდი - 66514110) შემდეგი სადაზღვევო რისკებისაგან:

- ავტომობილისთვის გარეგანი ზემოქმედებით მიყენებული ნებისმიერი დაზიანება, ავტოსაგზაო შემთხვევა, ხანძარი, აფეთქება, გატაცების მცდელობა, ქურდობა, პარცვა, ყაჩაღობა.
- მესამე პირის მხრიდან სხვადასხვა სახის მართლსაწინააღმდეგო ქმედება, ვანდალიზმი, სხვადასხვა საგნების ვარდნა.
- სტიქიური უბედურებები (ხანძარი, მეხის დაცემა, შტორმი, გრიგალი, ქარიშხალი, წყალდიდობა, სეტყვა, გრუნტის დაჯდომა, მეწყერი, ზვავი, თოვლის ჩამოშლა, უხვთოვლიანობა, ნიადაგის ჩამოშლა, მიწისძვრა).
- მინების, სარკეების, მანქანის აქსესუარების და სხვა დეტალების დაზიანება ან/და ქურდობა.
- ავტოსაგზაო შემთხვევისას ლაფეტის უფასო მომსახურება.

დაზღვევით ასევე იფარება:

- უფლებამოსილი მძღოლების და მისი მგზავრების დაზღვევა უბედური შემთხვევისაგან;
- მესამე პირთა წინაშე დამზღვევის პასუხისმგებლობა.

3. დაზღვევის ტერიტორია

3.1 დაზღვევის ტერიტორიაა საქართველო.

4. ხელშეკრულების ღირებულება

- 4.1 ხელშეკრულების ღირებულება: 1994 (ათას ცხრაას ოტხმოცდათოთხმეტი) ლარი.
- 4.2 მომსახურების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 4.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება, ან უარესდება ხელშეკრულების პირობები შემსყიდველისთვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

5. მხარეთა ვალდებულებები

5.1 მიმწოდებელი (მზღვეველი) ვალდებულია:

- 5.1.1. განიხილოს შემსყიდველის (დამზღვევის) პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზის გამოსწორება;
- 5.1.2. განახორციელოს ავტომობილების დაზღვევა ნულოვანი ფრანჩიზით;
- 5.1.3. დაზღვევის დამადასტურებლად გასცეს შესაბამისი სადაზღვევო პოლისი;
- 5.1.4. შეადგინოს სადაზღვევო დოკუმენტი ზარალის ანაზღაურების შესახებ, განსაზღვროს სადაზღვევო ანაზღაურების თანხა, დაზღვევის პირობებისა და სადაზღვევო პოლისის შესაბამისად;
- 5.1.5. განახორციელოს უფლებამოსილი მძღოლის, რომელსაც გააჩნია მოქმედი მართვის მოწმობა) და მისი მგზავრების უბედური შემთხვევის, სიცოცხლისა და ჯანმრთელობის დაზღვევის ანაზღაურება, დამადასტურებელი დოკუმენტის კანონიერ ძალაში შესვლიდან, ზარალის დაანგარიშების, შესაბამისი საბანკო რეკვიზიტების მოწოდებიდან და სარჩელის აქტის მხარეთა მიერ ხელმოწერიდან 24 საათის ვადაში (ლიმიტი 10 000 აშშ დოლარი ექვივალენტი ეროვნულ ვალუტაში ჯამურად). დაზღვევა ფარავს უფლებამოსილი მძღოლის და მისი მგზავრების ჯანმრთელობაზე მიყენებული ფიზიკური ზიანით გამოწვეულ სამედიცინო ხარჯებს;
- 5.1.6. მესამე პირთა წინაშე დაზღვეული პასუხისმგებლობის რისკზე, სადაზღვევო შემთხვევის დადგომისას, სადაზღვევო ანაზღაურება გაიცემა დამზღვევის პასუხისმგებლობის დამადასტურებელი დოკუმენტის (მესამე პირ(ებ)ის სიცოცხლის, ჯანმრთელობისა ან/და ქონებისათვის დაზღვეული სატრანსპორტო საშუალებით მიყენებული ზიანი) კანონიერ ძალაში შესვლიდან, ზარალის დაანგარიშების, შესაბამისი საბანკო რეკვიზიტების მოწოდებიდან და სარჩელის აქტის მხარეთა მიერ ხელმოწერიდან 24 საათის ვადაში (ლიმიტი 10 000 აშშ დოლარი ექვივალენტი ეროვნულ ვალუტაში ჯამურად);

5.1.7. მიმწოდებელი (მზღვეველი) იღებს ვალდებულებას, რომ ავტომობილის შეკეთებას, განახორციელებს (ანაზღაურებს) შემსყიდველთან შეთანხმებულ სერვის ცენტრში;

5.1.8. უზრუნველყოს დაზარალებული მესამე პირის შემთხვევის ადგილიდან რეანომობილით ტრანსპორტირება შესაბამის კლინიკაში და მკურნალობასთან დაკავშირებული ყველანაირი ხარჯის ანაზღაურება სადაზღვევო ლიმიტის ფარგლებში (იმ შემთხვევაში თუ ზარალი ექვემდებარება ანაზღაურებას დაზღვევის პირობების და წინამდებარე ხელშეკრულების შესაბამისად), დაზარალებულის ნებისმიერი სახით მონაწილეობის გარეშე;

5.1.9. უზრუნველყოს მომსახურების გაწევა 2016 წლის 1 აპრილიდან 2016 წლის 31 დეკემბრის ჩათვლით. თუ მხარეთა შორის სხვა რამ არ შეთანხმდა, დაზღვევის მოქმედება დაიწყება პოლისში აღნიშნული დაზღვევის ვადის პირველი დღის 00:00 საათიდან და დასრულდება პოლისში აღნიშნული დაზღვევის ვადის დღის 24:00 საათზე.

5.1.10. საჭიროების შემთხვევაში, უზრუნველყოს საპატრულო პოლიციიდან ან/და სხვა ორგანოებიდან საჭირო დოკუმენტაციის გამოთხოვა.

5.1.11. განახორციელოს ამ ხელშეკრულებით მასზე დაკისრებული სხვა ვალდებულებები.

5.2 შემსყიდველი (დამზღვევი) ვალდებულია:

5.2.1. უზრუნველყოს მომსახურების ინსპექტირება და დადებითი შეფასების შემთხვევაში მისი მიღება;

5.2.2. შეატყობინოს მიმწოდებელს (მზღვეველს) უტყუარი ინფორმაცია, რომელსაც მნიშვნელობა აქვს სადაზღვევო რისკის სახისა და ხარისხის განსაზღვრისათვის;

5.2.3. გადაიხადოს სადაზღვევო პრემია წინამდებარე ხელშეკრულებით/სადაზღვევო პოლისით განსაზღვრულ ვადებში;

5.2.3. მიმწოდებლის (მზღვეველის) წარმომადგენლის (აგრეთვე შინაგან საქმეთა სამინისტროს ორგანოების წარმომადგენლის) შემთხვევის ადგილზე გამოცხადებამდე არ მოახდინოს ზიანის დადგომის მომენტში არსებული ვიზუალური შეცვლა (გარდა იმ შემთხვევებისა, როდესაც ეს აუცილებელია ზარალის ოდენობის შემცირების ან ზიანის შემდგომი განვითარების თავიდან აცილების მიზნით);

5.2.4. დაუყოვნებლივ წერილობით აცნობოს მიმწოდებელს (მზღვეველს) დაზღვეული ავტომობილის ექსპლუატაციის პირობებში ნებისმიერი არსებითი ცვლილების შესახებ, მათ შორის:

5.2.4.1. სხვა პირისათვის სარგებლობაში, მფლობელობაში, საკუთრებაში ან მინდობილ საკუთრებაში გადაცემა;

5.2.4.2. აღრიცხვიდან მოხსნა ან შინაგან საქმეთა სამინისტროს ორგანოებში სათანადო წესით გადაფორმება;

5.2.4.3. ტექნიკური პასპორტის, რეგისტრაციის მოწმობის და საწარმო ნიშნის შეცვლა;

5.2.5. დაუყოვნებლივ აცნობოს მიმწოდებელს (მზღვეველს) ავტომობილის დაზღვევის განაცხადში ან საიდენტიფიკაციო მონაცემებში შეტანილი ნებისმიერი ცვლილების შესახებ;

5.2.6. უფლებამოსილმა მძღოლმა შემთხვევის დადგომისთანავე განაცხადოს შემთხვევის ფაქტზე კომპეტენტურ ორგანოებში (შინაგან საქმეთა სამინისტროს სახანძრო ინსპექცია და სხვ.) და მიმწოდებლის (მზღვეველის) ცხელ ხაზზე 223 03 03, ხოლო არაუგვიანეს 48 საათისა წარუდგინოს მიმწოდებელს (მზღვეველს) წერილობითი განაცხადი ზარალის

დადგომის ფაქტთან დაკავშირებით, მიმწოდებლის (მზღვეველის) მიერ დადგენილი ფორმით (გამონაკლისის წარმოადგენს შემთხვევები, როდესაც აღნიშნულის გაკეთება შეუძლებელია შემსყიდველის (დამზღვევის) ჯანმრთელობის მდგომარეობის გამო, ამ შემთხვევაში მიმწოდებლისათვის (მზღვეველისთვის) ინფორმაციის მიწოდება შესაძლებელია განხორციელოს შემსყიდველის (დამზღვევის) წარმომადგენელმა);

5.2.7. დაუყოვნებლივ შეატყობინოს მიმწოდებელს (მზღვეველს) სათანადო სახელმწიფო ორგანოების მოქმედების (გამოძახება დათვალიერების ჩასატარებლად, გამოძიება, გამოძახება სასამართლოში და სხვ.) დაწყება დამდგარი შემთხვევის ფაქტზე;

5.2.8. დაუყოვნებლივ აცნობოს მიმწოდებელს (მზღვეველს) მესამე პირისაგან ოფიციალური პრეტენზიის მიღების შესახებ;

5.2.9. წინამდებარე ხელშეკრულების პირობებითა და ავტომობილის დაზღვევის პოლისით განსაზღვრული შემთხვევის დადგომისას მიმწოდებელს (მზღვეველს) წარუდგინოს:

5.2.9.1. წერილობითი განაცხადი ზიანის დადგომის შესახებ;

5.2.9.2. ავტომობილის სარეგისტრაციო მოწმობა;

5.2.9.3. მძღოლის მართვის მოწმობა;

5.2.9.4. მძღოლის პირადობის დამადასტურებელი მოწმობა (პასპორტი);

5.2.9.5. კომპეტენტური ორგანოების (შინაგან საქმეთა სამინისტრო, სახანძრო ინსპექცია და სხვ.) მიერ შედგენილი დოკუმენტაცია (ასეთის არსებობის შემთხვევაში);

5.2.10. განახორციელოს ამ ხელშეკრულებით მასზე დავისრებული სხვა ვალდებულებები.

6. სადაზღვევო ანაზღაურების გაცემა

6.1 სრული განადგურების შემთხვევაში, სადაზღვევო ანაზღაურების თანხა ან იდენტური დაუზიანებელი მოძრავი ნივთი დამზღვევს გადაეცემა 6.2 პუნქტით განსაზღვრული ვადების შესაბამისად, რის შემდეგადაც განადგურებული მოძრავი ნივთი საკუთარებაში გადაეცემა მზღვეველს;

6.2 სადაზღვევო შემთხვევის შესახებ, შემსყიდველის (დამზღვევის) მიერ წერილობითი შეტყობინებიდან და შესაბამისი დოკუმენტ(ებ)ის (შემთხვევის ადგილზე შინაგან საქმეთა სამინისტროს ორგანოების წარმომადგენლების მიერ შედგენილი დოკუმენტაციის ასლ(ებ)ი; შემსყიდველის და დაზიანებული ავტომობილის სარეგისტრაციო მოწმობის ასლი; ავტომობილის მძღოლის მართვის მოწმობის ასლი; ავტომობილის მძღოლის პირადობის მოწმობის (პასპორტის) ასლი); კალკულაციის წარდგენიდან მიმწოდებელი (მზღვეველი) ვალდებულია არაუგვიანეს 5 (ხუთი) სამუშაო დღის განმავლობაში მიიღოს გადაწყვეტილება ზიანის ანაზღაურების შესახებ და გადაწყვეტილების მიღებიდან და სარჩელის აქტის შედგენიდან არაუგვიანეს 5 (ხუთი) სამუშაო დღის განმავლობაში უნდა მოხდეს სადაზღვევო ანაზღაურების გაცემა.

7. ხელშეკრულების შესრულების კონტროლი

7.1 შემსყიდველის (დამზღვევის) მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის (დამზღვევის) მოთხოვნათა შესაბამისად.

7.2 შემსყიდველის (დამზღვევის) შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხოდ გაწეული მომსახურება, მიმწოდებელი (მზღვეველი)

ვალდებულია წერილობითი შეტყობინებიდან 5 (ხუთი) დღეში გამოასწოროს წუნი, ან თუ წუნის, გამოსწორება შეუძლებელია და შემსყიდველს (დამზღვევს) უკვე გადახდილი აქვს მომსახურების ღირებულება, დაუბრუნოს შემსყიდველს (დამზღვევს) აღნიშნული მომსახურების ღირებულება.

8. მომსახურების მიღება-ჩაბარების წესი

8.1 მომსახურების მიღება წარმოებს ყოველთვიურად მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ინსპექტირების განმხორციელებელი პირის/პირების დადებითი დასკვნის საფუძველზე.

8.2 შპს „ჯორჯიან ტრანზიტი“-ს მხრიდან მიღება-ჩაბარების აქტზე ხელმოწერის უფლებამოსილება ენიჭება ალექსანდრე მრეგრისვილს.

9. ანგარიშსწორება

9.1 ანგარიშსწორება განხორციელდება შემდეგი პირობებით:

9.1.1. ანგარიშსწორების ვალუტა - ლარი;

9.1.2. ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი (დამზღვევი) იღებს ვალდებულებას გადაუხადოს მიმწოდებელს (მზღვეველს) მიღებული მომსახურების ღირებულება შესაბამისი მიღება-ჩაბარების აქტის გაფორმებიდან 10 (ათი) სამუშაო დღის განმავლობაში, ხოლო ბოლო გადახდა არაუგვიანეს 2016 წლის 31 დეკემბრისა. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-15 მუხლის შესაბამისად.

11. ხელშეკრულების პირობების შეუსრულებლობა

11.1 წინამდებარე ხელშეკრულების 5.1 პუნქტის „5.1.5“, „5.1.6“, „5.1.9“ ქვეპუნქტებით და მე-6 მუხლით გათვალისწინებული ვალდებულებების დარღვევის შემთხვევაში შემსყიდველი უფლებამოსილია მიმწოდებელს დააკისროს პირგასამტესლო, შესაბამისად ყოველ ასეთ დღეზე შეუსრულებელი ვალდებულების 0.07%-ის ოდენობით.

11.2 წინამდებარე ხელშეკრულების 9.2 პუნქტით განსაზღვრული პირობების დარღვევის შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო, შესაბამისად ყოველ ვადაგადაცელებულ დღეზე შეუსრულებელი ვალდებულების 0.07%-ის ოდენობით.

11.4 შემსყიდველი (დამზღვევი) უფლებამოსილია ნებისმიერ დროს შეწყვიტოს ხელშეკრულება და მოსთხოვოს მიმწოდებელს (მზღვეველს) შესაბამისი პირგასამტეხლოს ანაზღაურება.

11.5 პირგასამტეხლოს გადახდა არ ათავისუფლებს მიმწოდებელს (მზღვეველს) /შემსყიდველს (დამზღვევს) ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2 თუ შემსყიდველი (დამზღვევი) და მიმწოდებელი (მზღვეველი) ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს საერთო სასამართლოს საქართველოს კანონმდებლობით დადგენილი წესით.

14. ხელშეკრულების ვადამდე შეწყვეტა

14.1 შემსყიდველი უფლებამოსილია ვადამდე შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან საქართველოს მოქმედი კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს/შემსყიდველს ხელშეკრულებით განსაზღვრული ვალდებულებების შესრულებისაგან.

14.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

15.1 წინამდებარე ხელშეკრულება ძალაში შედის 2016 წლის 1 აპრილიდან და მოქმედებს 2017 წლის 31 იანვრის ჩათვლით.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

16.3 მხარემ, რომელსაც შეეძნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი საგარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

17.1. ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს (მზღვეველს), ხოლო მეორე - შემსყიდველს (დამზღვევს).

დანართი №1

№	ავტომანქანის მარკა - მოდელი - საიდენტიფიკაციო ნომერი	სადაზღვევო (საბაზრო) ღირებულება	პრავის მოცულობა	გამოშვების წელი	სადაზღვევო პერიოდი	სადაზღვევო პრემია სადაზღვევო პერიოდის განმავლობაში
	Toyota – Highlux AHTFK22G403075781	17000 აშშ დოლარის ექვივალენტი ლარში	2982	2012	2016 წლის 1 აპრილიდან 2016 წლის 31 დეკემბრის ჩათვლით	1397,41
	Hyundai – Tucson KMHJN81BP9U024703	6000 აშშ დოლარის ექვივალენტი ლარში	2000	2009	2016 წლის 1 აპრილიდან 2016 წლის 31 დეკემბრის ჩათვლით	596,59

„მიმწოდებელი“:

სს „დაზღვევის კომპანია ქართუ“
საიდენტიფიკაციო კოდი: 204970031
ქ.თბილისი, ი.ჭავჭავაძის გამზ. N39ა;

სს „ზანკი ქართუ“;

CRTUGE22;

ა/ა GE45CR0000000000533602;

არჩილ მამაცაშვილი

გენერალური დირექტორი

„შემსყიდველი“

შპს „ჯორჯიან ტრანზიტი“

საიდენტიფიკაციო კოდი: 402020022

ქ. თბილისი თავისუფლების მოედანი #4

სს „თიბისი ბანკი“

ა/ა GE68TB7764636070100001

დავით ჩირაძე

დირექტორი



ტექნიკური პირობები

(სატენდერო დოკუმენტაციის მიხედვით)

დაზღვევის ობიექტი: შპს „ჯორჯიან ტრანზიტი“-ს სარგებლობაში არსებული 2 (ორი) ერთეული სატრანსპორტო საშუალების სრული სადაზღვევო მომსახურება.

სადაზღვევო მომსახურების პერიოდი: 2016 წლის 01 აპრილიდან - 2016 წლის 31 დეკემბრის ჩათვლით.

დაზღვევის მოქმედების არეალი: საქართველოს ტერიტორია.

დასაზღვევი რისკები:

- ავტომობილისთვის გარეგანი ზემოქმედებით მიყენებული ნებისმიერი დაზიანება, ავტოსაგზაო შემთხვევა, ხანძარი, აფეთქება, გატაცების მცდელობა, ქურდობა, მარცვა, ყაჩაღობა.
- მესამე პირის მხრიდან სხვადასხვა სახის მართლსაწინააღმდეგო ქმედება, ვანდალიზმი, სხვადასხვა საგნების ვარდნა.
- სტიქიური უბედურებები (ხანძარი, მეხის დაცემა, შტორმი, გრიგალი, ქარიშხალი, წყალდიდობა, სეტყვა, გრუნტის დაუდობა, მეწყერი, ზეგავი, თოვლის ჩამოშლა, უხვთოვლიანობა, ნიადაგის ჩამოშლა, მიწისძვრა).
- მინების, სარკეების, მანქანის აქსესუარების და სხვა დეტალების დაზიანება ან/და ქურდობა.
- ავტოსაგზაო შემთხვევისას ლაფეტის უფასო მომსახურება.

ფრანშიზა: 0,00%;

- ✓ უფლებამოსილი მძღოლისა და მგზავრების დაზღვევა უბედური შემთხვევისგან - ლიმიტი 10,000.00 (ათი ათასი) აშშ დოლარის ექვივალენტი ლარში.

ფრანშიზა: 0,00%;

- ✓ მესამე პირთა წინაშე, კერძოდ: უფლებამოსილი მძღოლის დაზღვეული ავტომანქანის ექსპლუატაციისას მესამე პირის სიცოცხლის, ჯანმრთელობისა ან/და ქონებისთვის მიყენებული ზიანის პასუხისმგებლობის დადგომა - ლიმიტი 10,000.00 (ათი ათასი) აშშ დოლარის ექვივალენტით ლარში.

ფრანშიზა: 0,00%;

აუცილებელი პირობები:

- პროვაიდერი სარემონტო საწარმოების თავისუფალი არჩევანი.
- სადაზღვევო ანაზღაურების გაცემა ცვეთის გათვალისწინების გარეშე.

უფლებამოსილი მძღოლი: დამზღვევის ნებისმიერი თანამშრომელი, რომელსაც გააჩნია ავტომაწქანის მართვის მოწმობა და რომელიც აუცილებლად უნდა იყოს არანაკლებ 21 და არაუმეტეს 65 წლის

ანგარიშსწორების პირობები: ანგარიშსწორება მოხდება ყოველკვარტალურად ან ყოველოვითრად, მიღება-ჩაბარების აქტის გაფორმების და შესაბამისი დოკუმენტის (ინვოისის) მიღების დღიდან 10 (ათი) სამუშაო დღის ვადაში.

არჩილ მამაცაშვილი
გენერალური დირექტორი



დაზღვევის პირობები

ნაწილი 1. ავტომანქანის ფიზიკური დაზიანება ან გატაცება (ავტოკასკო)

1.1. ავტომანქანის ფიზიკური დაზიანება

- 1.1.1. ამ დაზღვევით დაიფარება დაზღვეული ავტომანქანის ფიზიკური დაზიანება გამოწვეული ხელშეკრულებაში/სადაზღვევო პოლისში მითითებული რისკებით.
- 1.1.2. სადაზღვევო ანაზღაურების თანხას მიმწოდებელი უზდის შემსყიდველს, ან მის მიერ მითითებულ პირს, თუ ხელშეკრულებაში/სატენდერო დოკუმენტაციაში სხვა რამ მითითებული არ არის.
- 1.1.3. ფიზიკური დაზიანების შემთხვევაში, ზიანის თანხა განისაზღვრება შემთხვევის დადგომის დროს დაზიანებული ავტომანქანის აღდგენითი (შენაცვლებითი) ღირებულების ოდენობით.
- 1.1.4. სრული ზარალის შემთხვევაში, ზიანის თანხა განისაზღვრება სადაზღვევო შემთხვევისას ავტომანქანის საბაზრო ღირებულებით, გამოკლებული ამ ავტომანქანის მიხედვით სადაზღვევო პრემიის დავალიანების (ასეთის არსებობის შემთხვევაში), თუ ხელშეკრულებაში/სატენდერო დოკუმენტაციაში სხვა რამ არ არის მითითებული, მაგრამ არაუმეტეს სადაზღვევო თანხისა, რომელიც მითითებულია სადაზღვევო პოლისში.
- 1.1.5. დაზღვეული ავტომანქანის სადაზღვევო თანხა მცირდება ამ ავტომანქანის მიხედვით უკვე გადახდილი სადაზღვევო ანაზღაურების თანხის ოდენობით.

1.2. ავტომანქანის გატაცება, ქურდობა, ძარცვა ან ყაჩაღობა.

- 1.2.1. ამ დაზღვევით დაიფარება ხელშეკრულებაში/სადაზღვევო პოლისში მითითებულ ტერიტორიულ არეალში და სადაზღვევო პერიოდში დაზღვეული ავტომანქანის გატაცება, ქურდობა, ძარცვა ან ყაჩაღობა.
- 1.2.2. დაზღვეული ავტომანქანის გატაცების, ქურდობის, ძარცვის ან ყაჩაღობის შემთხვევაში, მიმწოდებელი, ხელშეკრულებით გათვალისწინებული წესითა და ოდენობით გადაუხდის სადაზღვევო თანხას შემსყიდველს, თუ ხელშეკრულებაში/სატენდერო დოკუმენტაციაში სხვა რამ არ არის მითითებული.
- 1.2.3. დაზღვეული ავტომანქანის გატაცების, ქურდობის, ძარცვის ან ყაჩაღობის შემთხვევაში, ზიანის თანხა განისაზღვრება ავტომანქანის სადაზღვევო ღირებულებას გამოკლებული ამ ავტომანქანის მიხედვით სადაზღვევო პრემიის დავალიანება/წლიური პრემიის დარჩენილი ნაწილი (ასეთის არსებობის შემთხვევაში), თუ ხელშეკრულებაში/სატენდერო დოკუმენტაციაში სხვა რამ არ არის მითითებული, მაგრამ არაუმეტეს სადაზღვევო თანხისა, რომელიც მითითებულია სადაზღვევო პოლისში.

- (1) შენიშვნა: ავტომანქანის დაზიანების შემთხვევაში, შემსყიდველი, მიმწოდებელის წინასწარი თანხმობის გარეშე არ უნდა დაიწყოს ავტომანქანის შეკეთება/აღდგენა.

მიმწოდებელი უფლებამოსილია:

- თავად დაათვალიეროს დაზიანებული ავტომანქანა;
- დაზიანებული ავტომანქანის დათვალიერების მიზნით მოიწვიოს დამოუკიდებელი ექსპერტი/სპეციალისტი;

- ზიანის გამოწვევი მიზეზებისა და ოდენობის დასადგენად, შემსყიდველისაგან მოითხოვოს დამატებითი დოკუმენტაცია/ინფორმაცია. ხოლო შემსყიდველი ვალდებულია მიაწოდოს ეს დოკუმენტაცია/ინფორმაცია მიმწოდებელს.

1.3. დაზღვეული ავტომანქანის დაზიანებისას ან გატაცება/ქურდობა/ ძარცვა ან ყაჩაღობისას :

- ✓ შემსყიდველი ვალდებულია უზრუნველყოს მიმწოდებლის საინფორმაციო სამსახურის ცხელ ხაზზე (992 32) 223 03 03 დაკავშირება და საპატრულო პოლიციის (112) დაუყოვნებლივ გამოძახება;
- ✓ არაუმეტეს შემთხვევის დადგომიდან **3 (სამი) სამუშაო დღის** განმავლობაში წარუდგინოს მიმწოდებელს განაცხადი მომხდარი შემთხვევის შესახებ და შემდეგი დოკუმენტები:

1.3.1. ავტომანქანის სარეგისტრაციო მოწმობა;

1.3.2. შემთხვევის დროს საჭესთან მჯდომი პირის მართვის და პირადობის მოწმობა;

1.3.3. შემთხვევის დადგომასთან დაკავშირებით დამადასტურებელი დოკუმენტები კომპეტენტური ორგანოებიდან.

შემსყიდველის მიერ (1) შენიშვნაში და 1.3. პუნქტში მითითებული ნებისმიერი ვალდებულების შეუსრულებლობის ან/და ნებისმიერი დოკუმენტის, ინფორმაციის ან ნივთის წარმოდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.

- 1.4. დაზღვეული ავტოტრანსპორტი ჩაითვლება განადგურებულად (Total Loss) მაშინ, როცა ავტომანქანა გატაცებულია და მისი პოვნა ვერ მოხერხდა.
- 1.5. სრული ზარალის შემთხვევაში, მიმწოდებელი, ყველა საჭირო დოკუმენტების/ნივთის წარმოდგენის შემდეგ, გასცემს სადაზღვევო ანაზღაურებას ხელშეკრულებით გათვალისწინებული წესითა და ვადებში.
- 1.6. სრული/ნაწილობრივი ზარალის შემთხვევაში, მიმწოდებლის მიერ სადაზღვევო ანაზღაურების გადახდის შემდგომ(თუ ხელშეკრულებაში/სატენდერო დოკუმენტაციაში სხვა წესი მითითებული არ არის), შემსყიდველი ვალდებულია გადასცეს დაზიანებული ავტომანქანა (იმ შემთხვევაშიც, თუ მოხდა გატაცებული ავტომანქანის პოვნა)/შეცვლილი ნაწილები მიმწოდებელს საკუთრების უფლებით.
- 1.7. სრული ზარალის ანაზღაურების შემთხვევაში, სადაზღვევო ანაზღაურების გადახდის შემდეგ ამ ავტომანქანის მიხედვით ხელშეკრულება წყდება, ხოლო სადაზღვევო პოლისი უქმდება.

ნაწილი 2. ავტომანქანის მფლობელის მესამე პირის წინაშე სამოქალაქო პასუხისმგებლობის დაზღვევა

- 2.1. სადაზღვევო შემთხვევას წარმოადგენს დაზღვეული ავტომანქანის მფლობელის სამოქალაქო პასუხისმგებლობა აანაზღაუროს დაზღვეული ავტომანქანის საავტომობილო გზაზე მოძრაობისას მესამე პირის სიცოცხლის, ჯანმრთელობის ან/და ქონებისათვის მიყენებული ზიანი, ხელშეკრულებაში/სადაზღვევო პოლისით მითითებული ლიმიტის ფარგლებში. შემსყიდველის პასუხისმგებლობა მესამე პირისათვის მიყენებული ზიანისათვის დგება მხოლოდ მომხდარი მოვლენისა (საგზაო-სატრანსპორტო შემთხვევის) და მესამე პირისათვის მიყენებულ ზიანს შორის მიზეზ-შედეგობრივი კავშირის არსებობისას.
- 2.2. ამ დაზღვევით იფარება შემსყიდველის პასუხისმგებლობა აანაზღაუროს დაზღვეული ავტომანქანითა მიყენებული ზიანი იმ ოდენობით, რომელიც განისაზღვრება საქართველოს კანონმდებლობით, ხელშეკრულებით/სადაზღვევო პოლისით გათვალისწინებული ლიმიტის ფარგლებში, თუ ამ დროს ადგილი აქვს:
 - ა) მესამე პირის გარდაცვალებას ან ჯანმრთელობის დაზიანებას;
 - ბ) მესამე პირის ქონების დაზიანებას.
- 2.3. სადაზღვევო თანხის (ლიმიტი) ფარგლებში მიმწოდებელი გადაიხდის დაზარალებულისა ან მისი მემკვიდრის საპენსიო სახსრების დახმარების ხარჯს შესაბამისი ფონანსური და სამედიცინო დოკუმენტების დედნების წარდგენის საფუძველზე.

- 2.4. შემსყიდველი ვალდებულია განახორციელოს ხელშეკრულებით გათვალისწინებული მოქმედება შემთხვევის დადგომის შემთხვევაში და ასევე, უზრუნველყოს მესამე პირის ქონების და/ან სიცოცხლისათვის/ჯანმრთელობისათვის ზიანის მიყენებთან დაკავშირებული ყველა სახის ინფორმაციის და დოკუმენტაციის წარდგენა მიმწოდებლისათვის. აუცილებლობის შემთხვევაში, მიმწოდებელი უფლებამოსილია შემსყიდველისაგან/დაზარალებულისაგან მოითხოვოს დამატებითი ინფორმაცია/დოკუმენტაცია. ხოლო შემსყიდველი/დაზარალებული ვალდებულია მიაწოდოს მიმწოდებელს ეს ინფორმაცია/დოკუმენტაცია.
- 2.5. შემსყიდველის/დაზარალებულის მიერ მე 2 ნაწილში მითითებული ნებისმიერი ვალდებულების შეუსრულებლობის ან/და ნებისმიერი დოკუმენტაციის/ინფორმაციის წარმოდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.
- 2.6. მესამე პირად არ მოიაზრება დაზღვეულ ავტომანქანაში მყოფი მძღოლი და მგზავრ(ებ)ი, მიმწოდებლის თანამშრომლები.
- 2.7. მესამე პირის მოთხოვნისაგან დაცვისათვის გაწული სასამართლო/სასამართლოს გარეშე ხარჯები მიმწოდებლის მიერ ანაზღაურდება მხოლოდ მასთან წინასწარი შეთანხმების შემთხვევაში და მხოლოდ სადაზღვევო ლიმიტის ფარგლებში.
- 2.8. თუ სადაზღვევო შემთხვევის შედეგად რამდენიმე მესამე პირი დაზარალდა, სადაზღვევო ანაზღაურება თითოეულს ცალ-ცალკე მიეცემა მიყენებული ზიანის გათვალისწინებით. მიმწოდებლის პასუხისმგებლობის მაქსიმალური ლიმიტის ფარგლებში, თითოეულის დაზიანების ხარისხის პროპორციულად.
- 2.9. ქონების დაზიანების შემთხვევაში - ზიანის ოდენობა ანგარიშდება მიმწოდებლის შესაბამისი ექსპერტის/სპეციალისტის მიერ შედგენილი კალკულაციის/ხარჯთაღრიცხვის საფუძველზე მიმწოდებლის პასუხისმგებლობის ლიმიტის ფარგლებში.
- ქონების დაზიანებისას, ანაზღაურდება:
- თუ ქონება მთლიანად განადგურდა - ქონების საბაზრო ღირებულება გამოკლებული ნარჩენების ღირებულება;
 - თუ ქონება არ არის განადგურებული, ანაზღაურდება სარემონტო აღდგენითი ხარჯები, რაც საჭიროა დაზიანებული ქონების ზარალამდე არსებულ მდგომარეობამდე მისაყვანად.

ნაწილი 3. მძღოლისა და მგზავრების უბედური შემთხვევისაგან დაზღვევა

- 3.1. მძღოლისა და მგზავრების საგზაო – საგზაო-სატრანსპორტო შემთხვევისაგან დაზღვევის ობიექტს წარმოადგენს დაზღვეულ ავტომანქანაში მყოფი მძღოლის ან/და მგზავრების სიცოცხლე და ჯანმრთელობა.
- 3.2. სადაზღვევო შემთხვევად განიხილება დაზღვეულ ავტომანქანაში მყოფი მძღოლი და/ან მგზავრის/მგზავრების გარდაცვალება ან ჯანმრთელობის დაზიანება საგზაო-სატრანსპორტო შემთხვევის შედეგად.
- 3.3. სადაზღვევო ლიმიტები განსაზღვრულია ხელშეკრულებით/სადაზღვევო პოლისით.
- 3.4. სადაზღვევო შემთხვევის დადგომისას მიმწოდებელი იხდის ანაზღაურებას ქვემოთ მითითებული ცხრილის მიხედვით.

სადაზღვევო რისკი	ანაზღაურების თანხა (% ყოველ დაზღვეულზე გათვალისწინებული სადაზღვევო ლიმიტიდან)
გარდაცვალება	100 %
მკვეთრად გამოხატული ქმედობაუნარიანობის შეზღუდვა	100 %
მნიშვნელოვნად გამოხატული ქმედობაუნარიანობის შეზღუდვა	75 %
ზომიერად გამოხატული ქმედობაუნარიანობის შეზღუდვა	50%
გადაუდებელი სტაციონარული და ამბულატორული მკურნალობა დაკავშირებული სადაზღვევო შემთხვევასთან	25%

- 3.5. შემთხვევის დადგომისას შემსყიდველი ვალდებულია განახორციელოს ხელშეკრულებით გათვალისწინებული ვალდებულებები, მათ შორის წარუდგინოს მიმწოდებელს შემდეგი დოკუმენტები:
 - 3.5.1. მძღოლის მართვის და პირადობის მოწმობების/პასპორტის და მგზავრების (ასეთების არსებობის შემთხვევაში) პირადობის დამადასტურებელი საბუთების ასლები;
 - 3.5.2. ცნობა/სხვა სახის დოკუმენტი საპატრულო პოლიციიდან/საგამოძიებო ორგანოდან მომხდარი შემთხვევის დადგომის შესახებ;
 - 3.5.3. ჯანმრთელობისათვის მიყენებულ ზიანთან დაკავშირებული დოკუმენტები სამედიცინო დაწესებულებიდან - სამედიცინო ჩანაწერები (ფორმა N100), გაწეული მომსახურების დამადასტურებელი დოკუმენტების და მომსახურების საფასურის გადახდის დამადასტურებელი დოკუმენტების დედნები.
 - 3.5.4. სპეციალისტთა კონსულტაციების, ლაბორატორიული-ინსტრუმენტული კვლევების პასუხები/დასკვნები;
 - 3.5.5. ქმედობაუნარიანობის შეზღუდვის შემთხვევაში - შესაბამისი დაწესებულებიდან (სამედიცინო-სოციალური ექსპერტიზა) ოფიციალური დასკვნა, ქმედობაუნარიანობის შეზღუდვის ხარისხის მინიჭების თაობაზე;
 - 3.5.6. გარდაცვალების შემთხვევაში - გარდაცვალების მოწმობა, სამედიცინო ცნობა გარდაცვალების შესახებ გარდაცვალების მიზეზების მითითებით, სიკვდილის შესახებ სასამართლო-სამედიცინო ექსპერტიზის დასკვნა.

(2) შენიშვნა: სადაზღვევო ანაზღაურება გაიცემა გარდაცვლილის მემკვიდრეზე საქართველოს კანონმდებლობით გათვალისწინებული მემკვიდრეობის დამადასტურებელი დოკუმენტის (სამემკვიდრო მოწმობა) და მემკვიდრის პირადობის დამადასტურებელი დოკუმენტის საფუძველზე (პ/მ ან პასპორტი).

3.6. მე-3 ნაწილში მითითებული ნებისმიერი ვალდებულების შეუსრულებლობის ან/და ნებისმიერი დოკუმენტის წარმოუდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.

ნაწილი 4. საერთო გამონაკლისები

- ✓ მე-4 ნაწილში გათვალისწინებული გამონაკლისები (გარემოებები, რომელთა არსებობის შემთხვევაში სადაზღვევო ანაზღაურება არ იქნება გადახდილი) ეხება მთელ ხელშეკრულებას. წინამდებარე პირობებით არცერთ შემთხვევაში არ ანაზღაურდება დანაკარგი, დაზიანება ან პასუხისმგებლობა, თუ:
 - 4.1. დაზღვეულ ავტომანქანას მართავდა პირი, რომელიც იმყოფებოდა ალკოჰოლური, ნარკოტიკული ან ფსიქოტროპული ნივთიერების ზემოქმედების ქვეშ; მძღოლმა უარი განაცხადა მისი მდგომარეობის დასადგენად შესაბამისი სინჯების ჩაბარებაზე ან/და მიმწოდებელთან არ იქნა წარდგენილი ალკოჰოლური ან ნარკოტიკული ან ფსიქოტროპული თრობის/ზემოქმედების ფაქტის დადგენის სამედიცინო შემოწმების ოქმი ან ალკოტესტი შემოწმების დამადასტურებელი დოკუმენტი;
 - 4.2. მძღოლი მართავს ავტომანქანას მართვის უფლების გარეშე (მათ შორის მართვის უფლების დროებითი შეზღუდვის/ჩამორთმევის პერიოდში);
 - 4.3. დაზღვეული ავტომანქანა არ გამოიყენება სამსახურეობრივი დანიშნულებით;
 - 4.4. დაზღვეული ავტომანქანა გამოიყენება სისწრაფეში შეჯიბრში და სამაშველო სამსახურში;
 - 4.5. დაზღვეული ავტომანქანა გამოიყენება სადაზღვევო პოლისში მითითებული მოქმედების არეალის გარეთ;
 - 4.6. დაზღვეულ ავტომანქანაში მგზავრთა რაოდენობა აღემატება დასაშვებს; დაზღვეული ავტომანქანა გადატვირთულია;
 - 4.7. საგზაო-სატრანსპორტო შემთხვევის დროს დაზღვეულ ავტომანქანას მართავდა არაუფლებამოსილი მძღოლი;
 - 4.8. დაზღვეულ ავტომანქანის ნებისმიერი სახით გამოცდა (off road, test drive);

- 4.9. დაზღვეული ავტომანქანის გაუფასურება ბუნებრივი მიზეზებისა, საზაზრო ფასის ცვლილება.
- 4.10. ცვეთა, მექანიკური, პროგრამული ან ელექტროობის გაუმართაობა;
- 4.11. დაზღვეულ ავტომანქანაში არსებული ნივთების, მათ შორის არაქარხნულად დამონტაჟებული აუდიო, ტელე და რადიო აპარატურის, კასეტების, კომპაქტ დისკების, მეხსიერების მატარებლების, ტელეფონების, ფულის, დოკუმენტების და ა.შ. დაკარგვა;
- 4.12. ნებისმიერი სხვა ხარჯები, რომლებიც არ უკავშირდება ავტომანქანის ფიზიკურ დაზიანებას (ადმინისტრაციული ჯარიმა, მივლინების ხარჯები, მიუღებელი შემოსავლები, მორალური ზიანი და ა.შ.);
- 4.13. დანაკარგი, დაზიანება რომელიც გამოწვეულია ომით, დაპყრობით, საომარი მოქმედებით იმის მიუხედავად იყო თუ არა ომი გამოცხადებული, სამოქალაქო ომი, აჯანყება, რევოლუცია, სახელმწიფო გადატრიალება და საზოგადოებრივი არეულობები;
- 4.14. თვითმფრინავით და სხვა მფრინავი ობიექტებით გამოწვეული ჰაერის ტალღებით.
- 4.15. თვითმკვლელობით, თვითმკვლელობის მცდელობით და საკუთარი ჯანმრთელობისათვის ზიანის მიყენებით;
- 4.16. თუ შემთხვევა დაკავშირებული მძღოლის ფსიქიკურ ან მძიმე ნერვულ აშლილობასთან, ან ეპილეფსიურ შეტევასთან, თუ შესაბამისი დიაგნოზი დადგენილია სამედიცინო დაწესებულების მიერ უფლებამოსილი მძღოლისათვის წინამდებარე ხელშეკრულების დადებამდე.
- 4.17. საქართველოს კანონმდებლობით გათვალისწინებული სხვა შემთხვევები.

(3) **შენიშვნა:** შემთხვევასთან დაკავშირებით სისხლის სამართლის საქმის აღძვრის შემთხვევაში, მიმწოდებელი უფლებამოსილია გადადოს სადაზღვევო ანაზღაურების გაცემა საგამომიებო ორგანოს მიერ სისხლის სამართლის საქმის შეწყვეტის თაობაზე დადგენილების გამოტანამდე ან სასამართლოს გადაწყვეტილების კანონიერ ძალაში შესვლამდე.

ინფორმაცია ზიანის ანაზღაურების პირობების შესახებ

საგზაო-სატრანსპორტო შემთხვევისა ან/და დაზღვეული ავტომანქანის გატაცების/ ქურდობის / ძარცვის / ყაჩაღობის ან/და სხვა შემთხვევაში:

- შემსყიდველი (მძღოლი/წარმომადგენელი) დაუყოვნებლივ უნდა დაუკავშირდეს მიმწოდებლის საინფორმაციო სამსახურის ცხელ ხაზზე (995 32) 223 03 03, შეტყობინების დასატოვებლად და შესაბამისი ინსტრუქციების მისაღებად;
- ამავე დროს დაუკავშირდეს საპატრულო პოლიციის სამსახურს (112) გაიაროს ავტომანქანის მძღოლის ალკოჰოლური/ნარკოტიკული თრობის ფაქტის დადგენის ალკოტესტით შემოწმება ან/და სამედიცინო შემოწმება.
- არაუმეტეს - შემთხვევის დადგომიდან 3 (სამი) სამუშაო დღის განმავლობაში წარუდგინოს მიმწოდებელს: განაცხადი მომხდარი შემთხვევის შესახებ, ასევე:
 - საგზაო-სატრანსპორტო შემთხვევის დროს: დაზღვეული ავტომანქანის მძღოლის ალკოჰოლური/ნარკოტიკული თრობის ფაქტის დადგენის დამადასტურებელი დოკუმენტი, სადაზღვევო პოლისი, შემთხვევის დროს საქმესთან მჭიდროდ პირის მართვისა, უფლებამოსილებისა და პირადობის დამადასტურებელი მოწმობები, ადმინისტრაციული სამართალდარღვევის ოქმი /ელექტრონული საჯარიმო ქვითარი/სხვა, საგზაო-სატრანსპორტო შემთხვევის ოქმთან თანდართული სქემა, მძღოლ(ებ)ის ახსნა -განმარტებები, მიმწოდებლის მოთხოვნით, საგზაო - სატრანსპორტო შემთხვევასთან დაკავშირებული სხვა დოკუმენტები და ნივთმტკიცებულებები (ასეთის არსებობის შემთხვევაში); ხელი შეუწყოს მიმწოდებელს დაზარალებული მესამე პირის მხრიდან შემთხვევის დარეგულირების მიზნით საჭირო დოკუმენტაციის წარდგენა.
 - დაზღვეული ავტომანქანის გატაცება/ქურდობა/ძარცვა/ყაჩაღობის და სხვა შემთხვევაში - შესაბამის კომპეტენტურ ორგანოებიდან შემთხვევის დამადასტურებელი დოკუმენტები, სადაზღვევო პოლისი,

შემთხვევის დროს საჭესთან მჯდომი პირის მართვისა, უფლებამოსილებისა და პირადობის დამადასტურებელი მოწმობები, შემთხვევასთან დაკავშირებული სხვა დოკუმენტები და ნივთმტკიცებულებები (ასეთის არსებობის შემთხვევაში);

3.3.სხვა დოკუმენტები, რომელიც მითითებულია წინამდებარე დანართში.

4. შემსყიდველი ვალდებულია უზრუნველყოს მიმწოდებელთან შემთხვევასთან დაკავშირებული სრულყოფილი დოკუმენტაციის წარდგენა შემთხვევის დადგომიდან ეროი თვის გადაში, გარდა იმ შემთხვევისა, როცა შემთხვევასთან დაკავშირებით აღძრულია სისხლის სამართლის საქმე.

შემსყიდველის/დაზარალებულის მიერ ამ დანართში მითითებულ ვადაში ნებისმიერი ვალდებულების შეუსრულებლობის ან/და ნებისმიერი დოკუმენტის ან ნივთის წარმოდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე. სადაზღვევო ანაზღაურების გაცემის საფუძველია მიმწოდებლის მიერ შედგენილი და მხარეთა მიერ ხელმოწერილი სადაზღვევო სარჩელის აქტი. მიმწოდებელი იღებს ვალდებულებას შეადგინოს აქტი ან გასცეს მოტივირებული წერილობითი უარი სადაზღვევო ანაზღაურების გადახდაზე შემსყიდველის/დაზარალებულის მიერ ყველა აუცილებელი დოკუმენტის წარდგენიდან 10 (ათი) სამუშაო დღის ვადაში.

დაზღვეული ა/მ-ის გატაცების, ქურდობის, მარცვის და ყაჩაღობის შემთხვევაში, თუ ა/მ არ იქნა აღმოჩენილი პოლიციაში განცხადების მომენტიდან 30 (ოცდაათი) კალენდარული დღის განმავლობაში, მაშინ ზარალის ანაზღაურება მოხდება ამ ვადის გასვლიდან 10 (ათი) სამუშაო დღის განმავლობაში.

სადაზღვევო ანაზღაურების გადახდა ხდება მხარეების მიერ სადაზღვევო სარჩელის აქტის ხელმოწერიდან არაუგვიანეს 10 (ათი) სამუშაო დღისა.

მიმწოდებელი აუნაზღაურებს დაზღვეული ავტომანქანის ევაკუაციის ხარჯებს შემთხვევის ადგილიდან შემსყიდველის მიერ მითითებულ ადგილამდე, მხოლოდ თუ ხელშეკრულებაში/სატენდერო დოკუმენტაციაში სხვა რამ არ არის მითითებული. ევაკუაციის ხარჯები აკლდება სადაზღვევო თანხას. გასაცემ სადაზღვევო ანაზღაურებას აკლდება ფრანშიზა/ცვეთა, თუ ხელშეკრულებაში/სატენდერო დოკუმენტაციაში სხვა რამ არ არის მითითებული.

მიმწოდებელი ვალდებულია უზრუნველყოს საგზაო-სატრანსპორტო შემთხვევასთან დაკავშირებული დოკუმენტაციის კომპეტენტურ ორგანოდან გამოთხოვა, თუ ამ ვალდებულებულების შესახებ მითითებულია ხელშეკრულებაში/ სატენდერო დოკუმენტაციაში.

არჩილ მამაცაშვილი
გენერალური დირექტორი

